

# Innaallagissamut ikkussuinerit suliarineqarnerannut ingerlanneqarnerannullu isumannaallisaaneq pillugu Namminersorlutik Oqartussat nalunaarutaat

§ 6, imm 1 naapertorlugu Sanaartukkat innaallagissamut atugassat, innaallagissamut ikkussuinerit aamma atorlut innaallagiatortut pillugit Inatsisartut peqqussutaat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

## Kapitali 1

### *Atuuffia aamma nassuiaatit*

#### *Atuuffia*

§ 1. Nalunaarut manna atuuppoq innaallagissap aqquataanik ikkussorneqarsimasunik 0 V ac.-imit imaluunniit 0 V dc.-imit 1000 V ac. imaluunniit 1500 V dc. angullugu ilanngullugu sakkortussusilinnik suliaqarnermut aamma ingerlatsinermut.

### *Isumannaallisaanermut piumasaqaatit*

§ 2. Innaallagissap aqquatai suliarineqassapput aamma ingerlatinneqassapput imatut, taakkua inunnut, uumasuutitut imaluunniit illunut navianartorsiortitsisinnaajunnaarlugit.

### *Nassuiaatit*

§ 3. Nalunaarummi matumani makku imatut paasineqassapput:

- 1) Sumiiffinni tamanit tikinneqarsinnaasuni qaammaqqusersuinermut atorlut: Aqqusineeqqani, illut akornanni aqqusinerni, aqqusinerni, inoqannginnersani aamma assigisaanni tamanit tikinneqarsinnaasuni qaammaqqusersuinermut armaturinik aamma qaammaqqutinik ikkussuinermut.
- 2) Ajoqusernaveersaarnermut atorlut: Navianartunut innaallagissap pilersissinnaasaanut ajoqusernaveersaarnermut atorlut, soorlu sarfap sakkortusivallaarnissaanut illersuutit aamma innaallagissamut kukkusumik ingerlalersumut illersuutit.
- 3) Inigisat: Illut aamma inissiat ukioq naallugu inigineqarsinnaasutut akuerisat aammattaaq sunngiffimmi illut aamma sulinngiffimmi inissiat, unnuiffigineqarsinnaasutut akuerineqarsimasut.
- 4) DCL: Device for Connection of Luminaires atorlut DCL-imut ikkussisarfillit aamma DCL-imut ikkuffillit,

taakkua qaammaqqusersuinermit armaturinik innaallagissamut attaveqartitsilersinnaasut aamma qamit-taatiisinnaasut innaallagissamut aqqummut aalajangersimasumut.

5) EDB-mut ikkuffiit: Atortut ikkuffii immikkut ittumik suliarineqarsimanertik pissutigalugu IT-mut atortu-nik aamma assigisaannik ikkussiffigineqarsinnaasut, kisianni atortunit allanit innaallagiartortunit allatut it-tunik ikkuffilinnik ikkussiffigineqarsinnaanngitsut.

6) Ajortittoqarsinnaaneranut illersuusiliineq: Innaallagissap sarfaanut qupinnguallannissamut ataasiartu-mik ajortittoqarnerani imminut illersorneq.

7) Napparsimavinni innaallagissamut ikkuffiit: Innaallagissamut ikkuffiit innaallagissamut ikkuffinnut nali-nginnaasunut atorineqarsinnaanngitsut Atortunut innaallagiartortunut isumannaallisaanermut najoqqu-tassiaq naapertorlugu.

8) Ikkussukkat ikkuffiit atorlugit attavilerneqartartut: Attaviliinermut atortut aalajangersimasumik ikkun-neqarsimasut iikkamut ikkuffimmut innaallagissamut ikkuffimmit ikkussiffigineqartartut, taakkualu sarfa-qartillugit katiterneqarsinnaanatik imaluunniit avissaartinneqarsinnaanatik. Tamatuma saniatigut atortut siullermik ikkunneqarsimanermik kingornatigut katiterneqarnissaminut imaluunniit avissaartinneqarsin-naanerit naatsorsuutigineqassanngillat, aserfallatsaaliuinerup imaluunniit atortunik innaallagiartortut ik-kussorneqarsimasunik aqputaanik allanngortitsinermut atatillugu.

9) Tunngaviusumik illersuut: Arlaannik ajortittoqarsimatinnagu innaallagissap sarfaanut qupinnguallan-nissamut illersorneq.

10) Ataatsimoortitat: Innaallagissap kaaviiarfia atortut innaallagissamik atuisut imaluunniit iikkami ik-kuffinnik pilersuisussatut naatsorsuutigineqartut.

11) Atortut Klasse I-mut ilaasut: Atortut innaallagiartortut tunngaviusumik tapinnaallisarneqarsimasut soorlu tunngaviusumik ajortinnissaannut illersuutilerlugit aamma naligiissaarnissaannut soorlu ajortinnis-saannut illersuutilikkat.

12) Atortut Klasse II-mut ilaasut: Atortut innaallagiartortut tunngaviusumik tapinnaallisarneqarsimasut soorlu tunngaviusumik illersuuserlugit aamma ajortinnissaannut tapinnaallisaqqinneqarsimasut soorlu a-jortinnissaannut illersuutilikkat, imaluunniit tunngaviusumik aamma ajortinnissaannut illersuuteqarnerat sakkortunerusumik tapinnaallisaanikkut anguneqarsimalluni.

13) Innaallagissap aqputaa: Aqqutip ilaa innaallagissap sarfaanut aalajangersimasumut aqqutigineqartus-satut naatsorsuussaq.

14) PELV: Atortoq innaallagiartortoq taassuma sarfaata sarfap immikkut sakkukissuseqartup nalinga qummut qaangersinnaanagu ataasiaannartumik ajortittoqarnerata nalaani taamaallaat innaallagissap kaa-viiartut allat nunamut ikkunneqarfianni ajoquteqalertoqarnera pinnagu.

15) RCD: Residualcurrentdevice, kattutsitsinermut atortoq mekaniskiusoq imaluunniit atortut katiterne-qarsimasut sarfamik attaveqartitsisartut, ingerlatsisut aamma attaveerutsitsisartut ingerlatsinermut pis-sutsit nalinginnaasuuneranni aamma ikkuffinnik ammaanermik pilersitsisartut, sarfaq siumukartuq aalaja-ngersimasumik naleqartillugu pissutsit nalunaarsorneqarsimasut tunngavigalugit.

16) Inuk paasisimasalik: Inuk tulluurtumik ilinniagalik aamma misilittagalik tamakku tunngavigalugit pine-qartoq nalorninartunik misissueqqissaarsinnaavoq navianartunillu innaallagissap pilersissinnaasaanik pin-ngitsoortitsilluni.

17) SELV: Atortoq innaallagiartortoq taassuma sarfaata sarfap immikkut sakkukissuseqartup nalinga qum-mut qaangersinnaanagu, pissutsit nalinginnaatillugit taamatullu ataasiaannartumik ajortittoqarnerata na-laani, innaallagissap kaaviiartut allat nunamut ikkunneqarfianni ajoquteqalertoqarnera ilanngullugu.

18) Innaallagissamut ikkuffik: Innaallagissamut atortoq ikkutassaq niuusanik pilik taannalu iikkami ikkuffi-up ikkunneqarfissaanut naammattussatut naatsorsuussaalluni.

19) Ikkami ikkuffik: Innaallagissamut atortoq ikkussivissaq ikkussivissartalik taannalu ikkutassap niuusanik peqartup aamma ledninginut ikkussiffissanik attaveqartitsilernissamut atortulik.

20) Sarfap kaaviiarfia: Innaallagissamut atortut ikkussukkami innaallagiartortumiittunik, taakkua sarfap sakkortuallaarnissaanut ataatsimut illersuutinik atortulerneqarsimallutik.

21) Ledninginut katiteriffik (tavle): Katiterinermut atortoq ataaseq imaluunniit arlallit tassunga ilanngullugit atortut innaallagiartortut aqutsinermut, uuttuineranut, nalunaarnermut, ajoqusernaveersaartitsinermut, naleqqussaanermut atortut namminneq inaallagissamik aamma mekaniskiusumik attaveqartut aamma sananeqarsimasunik ilaqlutik.

22) Ledningi tassunnartog: Ledningi qitulleraartog atortut innaallagiartortut innaallagissamut aalajangersimasumut atassuserneqarnissaannut atorneqartartut.

## **Kapitali 2**

### *Isumannaatsuutitsinissamut piumasaqaammik naammassinninneq*

§ 4. Innaallagissap aqputaa ikkussuunneqarsimasog Kalaallit Nunaanni allannguutit/ilanngunneqarsimasut ilanngullugit innaallagissamik sakkukitsumik sarfalinnik ikkussuussinermi maleruaqqusat nalinginnaasut HD 60364 atuuttoq naapertorlugu suliarineqarpat, taava isumannaatsuutitsinissamut piumasaqaatit ataatsimoortut eqqortinneqarsimasutut isigineqassapput.

*Imm. 2.* Innaallagissap aqputaa ikkussuunneqarsimasog Kalaallit Nunaanni allannguutit/ilanngunneqarsimasut ilanngullugit innaallagissamik sakkukitsumik sarfalinnik ikkussuussinermi maleruaqqusat nalinginnaasut HD 60364 atuuttoq malinnagu imaluunniit ilaannaa malillugu suliarineqarpat, taava ikkussorneqarsimasup najoqqutassami matumani isumannaatsuutitsinissamut piumasaqaatit malinneqarnerat upper-narsaasersorneqassaaq.

*Imm. 3.* Atortunik innaallagiartortunik ikkussuineramik suliaqarnermi piffissaasumik nalunaarneqarnermi maleruaqqusap nalinginnaasup sorliup atorneqarnissaa ersersissavaa. Imatut pisoqarpat atortunik innaallagiartortunik ikkussuineramik naammassinnilluni piffissaq suliaqarfusog tassaasog ukiunik pingasunik sivikinnerusog, taava ikkussuineramik naammassinnilluni piffissamut suliaqarfusumut Kalaallit Nunaanni allannguutit/ilanngunneqarsimasut ilanngullugit innaallagissamik sakkukitsumik sarfalinnik ikkussuussinermi maleruaqqusat nalinginnaasut HD 60364 atorneqassaaq.

§ 5. Nalinginnaasut nalunaarummi matumani innersuunneqartut, Dansk Standard aqqutigalugu pisiarineqarsinnaapput imaluunniit Innaallagissiornermut Oqortussani misissorneqarsinnaapput.

## **Kapitali 3**

### *Isumannaatsuutitsinissamut piumasaqaatit ataatsimoortut*

§ 6. Innaallagissap aqputaa ikkussorneqartog tunngaviusumik illersuuserneqassaaq, taamaaliornikkut inuit aamma uumasuutit navianartunut, tassa ikkussorneqarsimasut ilaannik sarfaqartunik atuinerminni pilersinnaasunut illersorneqassammata.

§ 7. Innaallagissap aqqutaa ikkussorneqartooq ajortittoqarsinnaaneranut illersuuserneqassaaq, taamaaliornikkut inuit aamma uumasuutit navianartunut, tassa ikkussorneqarsimasut ilaannik sarfaqartunik ajortissimasunut atuinerminni pilersinnaasunut illersorneqassammata.

§ 8. Innaallagissap aqqutaa ikkussorneqartooq imatut suliarineqassaaq, taamaaliornikkut ikuallajasut ikittoornissaannut kissattoorpallaarnerup imaluunniit innaallannerit kingunerisaannik navianartoqassanani. Tamatuma saniatigut atortut innaallagiartortut atorineqarneranni, inuit imaluunniit uumasuutit uutitersinnaanerannut navianartoqassanngilaq,

§ 9. Innaallagissap aqqutaa ikkussorneqartooq sakkortuallaamik sarfanittoornissamut illersorneqassaaq taamaaliornikkut inuit, uumasuutit aamma illuutit navianartunut illersorneqassallutik, tassa kissattoorpallaarnerup kingunerisaanik imaluunniit elektromekaniskiusumik sunnertinneqarnissamut sakkortuallaamik sarfanittoornissamut pilersinnaasunut.

§ 10. Aqqutit sarfap ingerlaarfigisaanni aamma ilaani suugaluartuniluunniit, taakkua sarfamik kukkusumik ingerlaarfissatut naatsorsuussaasut, sarfamik taassuminnga ingerlaffissatut pineqassapput kissappallaarnissaat pinaveersaartillugu.

§ 11. Atortooq innaallagiartortooq taakkununga ilanngullugit aqqutit mekaniskiusumik, sarfamik kukkusumik pilersinneqartumut elektromekaniskiusumik sunnerneqarnissaannut illersuummik pilerneqarsimasapput, taamaaliornikkut inuit, uumasuutit aamma illup navianartorsiortinneqarnissaat pinngitsoortinniarlugu.

§ 12. Sarfap ingerlaarfiisa ilaasa sarfap kaaviffiisa akornanni ajortitut, taakkua assigiinngitsunik sarfamik pilersorneqarnerisa kingunerissanngilaat inuit, uumasuutit imaluunniit illut navianartorsiortinneqarnerannik kinguneqassanngilaq.

§ 13. Innaallagissap sakkortusivallaarnerata inuit, uumasuutit imaluunniit illut navianartorsiornissaat kingunerissanngilaa.

§ 14. Sarfaq sakkukillisimasup aamma tamatuma kingornatigut sarfap sakkortussusianik pilersitseqqinnerup inuit, uumasuutit imaluunniit illut navianartorsiornissaat kingunerissanngilaa.

§ 15. Innaallagissap aqqutaa ikkussorneqartooq elektromagnetiskiusunik akornusersorneqarnissaminut sunnerneqarsinnaajunnaarsinneqassapput, taamaalillutik avatangiisini inissisimaffigisaminni akornuteqanngitsumik ingerlasinnaassallutik.

§ 16. Naatsorsuutigineqarsinnaappat inuit, uumasuutit imaluunniit illup pilersuinerup atassutaarunneranni navianartorsiortinneqalersinnaanerata, taava maleruaqqusanik pissutsinut naleqquttunik ikkussukkani imaluunniit atortuni innaallagiartortunik ikkussorneqareersimasuni pilersitsisoqassaaq.

**§ 17.** Innaallagissap aqquataa ikkussorneqartoq pilersaarusiorneqassaaq aamma imatut suliarineqassalluni, tassani atortup innaallagiartortup ikkussorneqartup siunertamut atorneqarnissaminut eqqortumik atorneqarnissaanut sillimaffigineqarsimassalluni.

*Imm. 2.* Innaallagissap aqquataa ikkussorneqartoq pilersaarusiorneqassaaq aamma imatut suliarineqassalluni, tassani pissutsit avatangiisinut tunngasut eqqarsaatigineqassallutik, tassa innaallagiartortup ikkussorneqartup naatsorsuutigineqartutut innaallagissap aqquataa ikkussorneqarsimasup qanoq sivilutigisumik piusinnaanera eqqarsaatigalugu.

*Imm. 3.* Atortussiat innaallagiartortut innaallagissap aqquataanut ikkussorneqarsimasunut ilaasut, taakkua lu namminneq imm. 2 naapertorlugu piumasaqaataasunik pisinnaasaqanngitsut, qulakkeerneqassapput naammaginantumik immikkut illersuuserlugit tassa innaallagiartortup ikkussukkap naammassineqareertut ilaata assingatut.

**§ 18.** Innaallagissap aqquataa ikkussorneqartoq tamatigut suliarineqassaaq eqqortumik isumannaatsuutilugu aamma illersorneqarsinnaasumik, tassa inunnit taamatut suliaqarnissamut piginnaaneqartunik.

*Imm. 2.* Innaallagissap aqquataanik ikkussorneqartumi atortussiat naleqquttut taamaallaat atorneqassapput aamma atortussiortup ilitsersuutigisai naapertorlugit ikkussorneqassallutik.

*Imm. 3.* Atortussiat piginnaasaat innaallagissap aqquataa ikkussorneqartup suliarineqarnerata nalaani ajornerulersinneqassanngillat.

**§ 19.** Ledninginik atorneqartussanik aamma qanoq ikkussuinissamik toqqaanermi eqqarsaatigineqartussat tassaapput:

- 1) sumiiffiup qanoq issusia,
- 2) iikkat aamma illup ilaata allat, ledninginut atortut ingerlaffigisaasa, qanoq issusiat,
- 3) ledninginut atortut inunnit aamma uumasuutinit tikinneqarsinnaanerat,
- 4) sarfap sakkortussusia,
- 5) elektromagnetiskiusut sunniutigisinnaasaat, nunamut ikkusimasut ajortinneranni aamma kortslutertoqarnera pilersinnaasunit,
- 6) elektromagnetiskiusut akornusersuinerat aamma
- 7) sunniutaasinnaasut allat, tassa ledninginut atortunut sunniuteqarsinnaasut innaallagiartortut ikkussorneqartut suliarineqarneranni imaluunniit ingerlatsinermi.

**§ 20.** Innaallagissap aqquataa sanimut kipinera aalajangersarneqassaaq nalinginnaasumik ingerlanermut pissuseqarneranut aaamma ajortinnermi pissuseqarneranut naleqqiussilluni makku eqqarsaatigalugit:

- 1) innaallagissap aqquataa kissannermini qaffasinnerpaamik akuerineqarsinnaasup killiffia,
- 2) sarfap apparnerata akuerineqarsinnaanerup akuerineqarsinnaasup killiffia,
- 3) elektromekanikkip sunniutigisai, nunamut ikkusimasut ajortinneranni aamma kortslutertoqarnera pilersinnaasutut naatsorsuutigineqartut,
- 4) mekanikkip sunniutigisai allat, tassa innaallagissap aqquataanut sunniutaasinnaasut,
- 5) innaallagissap ingerlaartup sakkortussusianut akiuuttup (impedans) annertunerpaaffia, sarfamut kuk-

kusumut illersuuteqarnermut atuuttumut naleqqiussilluni, kiisalu

6) qanoq ikkussuisoqarnera.

**§ 21.** Innaallagissap aqquataa ikkussuunneqartoq aamma ikkussuunneqartut atortullu allat imatut suliarineqassapput aamma inissinneqassallutik, taakkua akunnerminni imminnut ajoqusersinnaajunnaarsillugit.

**§ 22.** Ikkussuunneqartut allat innaallagissap aqquataanut ikkussuunneqartunut attaveqanngitsut imaluunniit attuumassuteqanngitsut, taakkua innaallagissap aqquataanut ikkussuunneqarsimasunut imatut avis-sartinneqarsimassapput, suliarissallugit periarfissaqassalluni innaallagissap aqquatai ikkussuunneqarsimasut attunngikkaluarlugit.

**§ 23.** Atortussiat innaallagiartortut imatut inissinneqarsimassapput, aqunnerat, misissornerat, suliarinerat, aserfallatsaaliorneqarnerat aamma taakkua attavilersorneqarnerisa tikinnissaannut periarfissat ajornanngitsumik periarfissaassalluni, taamaallaat makku pinnagit:

- 1) nunami katiterneqarsimasut,
- 2) katiterfiit immerneqarsimasut imaluunniit qallerneqarsimasut,
- 3) ledningit nillertut aamma atortut kiassarneqartut akornanni attaviit qilaami aamma natermik kiassaanermut atortut aamma kabelit kiassaanermut atortut,
- 4) katiterineq svejserineq, aqerlorterineq, qajannaallisaalluni aqerlortikkat imaluunniit sakkoq naqitsinertalik atorlugu naleqquttumik katinneqarsimasut, imaluunniit
- 5) katiterineq tassaasoq atortussiamut innaallagiartortumut ilaasoq aamma nalinginnaasunik taakkununnga attuumassuteqartunik eqqortitsisoq.

**§ 24.** Innaallagissap aqquatai ikkussuunneqareersimasunut atortut allat suliarineranni aamma inissinneranni, aqunnerat, misissornerat, suliarinerat, aserfallatsaaliorneqarnerat aamma innaallagissap aqquataanut ikkussuunneqartunut attavilersorneqarnerisa tikinnissaannut periarfissat sapinngisamik ajornanngitsumik periarfissaassalluni.

**§ 25.** Innaallagissap aqquataa ikkussuunneqartoq imaatut suliarineqarsimassaaq piffissami suliarineqarfianni maleruaqqusat atuuttut naapertorlugit.

*Imm. 2.* Innaallagissap aqquatai ikkussuunneqarsimasut kingusinnerusukkut allanngortinneqarpata, tamatumunnga ilanngullugit ledninginut katiteriffiik nuussineq, taava innaallagissap aqquataa ikkussuunneqarsimasut ilaannut allanngortinneqartunut maleruaqqusat piffissami suliaqarfiusumi atuuttut atorneqassapput.

**§ 26.** Sumiiffiup sumut atorneqarnerata imaluunniit qanoq issusia allanngortinneqarpat, taava innaallagissap aqquataa ikkussuunneqarsimasooq atorneqarfimminut imaluunniit qanoq issusermut nutaamut naleqqussarneqassaaq.

*Imm. 2.* Sumiiffiup sumut atorneqarnerata imaluunniit qanoq issusia allanngortinneqarpat atortumik innaallagiartortumik ikkussinnermut atatillugu, taava ikkussineq suliarineqassanngilaq, innaallagissap aqquataa ikkussuunneqarsimasup sumiiffik tamakkerlugu atorneqarfimminut imaluunniit qanoq issusermut nutaamut naleqqussarneqaaqqartinnagu.

### *Pilersuinermut atortut*

**§ 27.** Innaallagissap aqputaa ikkussuunneqarsimasooq innaallagissamik sakkukitsumik siaruarterinermut aqputinit pilersorneqartoq, TN-itut atorneqartutut suliarineqarsinnaavoq imatut ittoqartillugu, imaappat atortoq innaallagiartortoq ikkussukkamik pilersuisooq tassaappat TN-itut atorneqartutut suliarineqarsimalluni:

- 1) Innaallagissap aqputaa ikkussuunneqarsimasooq transformerstationimit nammineq pigisamit pilersorneqarpat.
- 2) Innaallagissap aqputaa illumut ingerlasooq toqqaannartumik transformerstationimit aallaaveqarpat aamma kabeli atorlugu suliarineqarsimalluni.
- 3) TN-itut atorneqartoq innaallagiartortumut ikkussuunneqarsimasumi atorneqareertillugu.
- 4) Atortumik innaallagiartortumut piginnittoq immikkut akuersissummik tunniussaqsamatillugu.

*Imm. 2.* Atortumik innaallagiartortumik piginnittup TN-itut atorneqartutut atuisinnaanermik itigartitsinnaavoq imm. 1-imi normu 1 aamma 2 taaneqartunut tunngatillugu, imaappat TN-itut atorneqartup sarfamik sakkukitsumik siaruarterinermut aqputini suliaqarnissaq teknikikkut annertuumik ajornartorsiuteqarnermik tamanna kinguneqarpat.

*Imm. 3.* TN-itut atorneqartoq atorneqarsinnaangilaq atortumik innaallagiartortumik piginnittoq akuersissuteqartinnagu, tassa imm. 1-imi normu 3-mi taaneqartunut tunngatillugu.

**§ 28.** TN-C-itut atortunik atorneqartunik peqarnissaq akuerineqanngilaq ledninginut katiteriffiup siulliup imaluunniit agguartitsissutip killiffiata kingornatigut. Ledninginut katiteriffiup siulliup imaluunniit agguartitsissutip killiffiata kingornatigut tamatigut sarfaq aqputai illersuutinik aamma nor'lup aqputai immikkoortinneqarsimasut atorneqassapput.

*Imm. 2.* Innaallagissap aqputai ikkussuunneqarsimasut pioreersuni aammattaaq transformerstationini allierineq imaluunniit allanngortitsinerni, imm. 1 atuutsinneqanngilaq.

### *Ledninginut katiteriffinnik (tavler) ikkussuineq*

**§ 29.** Ledninginut katiteriffiit siornanni, taakkua silissusiat imaluunniit portussusiat 1 meteri qaangersimappassuk, taava inissaq akornuserneqanngitsoq minnerpaamik ledninginut katiteriffiup silissusia tamakerlugu aamma natermiit taassuma qaavanut 1 meteriussaaq, taamaattorli natermiit minnerpaamik 2 meterit.

*Imm. 2.* Ledninginut katiteriffiit ilaanut imaluunniit atortumut anillanganerup takinersaanut akornuserneqanngitsumik 1 meterimik inissaqartitsisoqassaaq. Ledninginut katiteriffiit sanileriissillugit inissinneqartilugit, kisianni taakkua akunnerminni ungasissusiat 1 meterimit annikinneruppat, taava taakkua ledninginut katiteriffittut ataasiinnartut isigineqassapput.

*Imm. 3.* Atortut sullullit perlaajusallit imm. 1-imut ilaatinneqanngillat.

**§ 30.** Attaviliinermut ikittaatinullu atortut, taakkununga ilanngullugit atortut illersuutaasut paatsuugasaanngitsumik nalunaaqutserneqassapput, takkua ersersissavaat innaallagiartortup ikkussuunneqarsima-

sup immikkoortut sorliit attavilernerai.

*Imm. 2. Atortut paarlaanneqarsinnaaneratt periarfissaanngippat taava imm. 1 atuutinneqassanngilaq.*

**§ 31.** Sarfamut sakkortuallaartumut illersuutini suugaluartuniluunniit qajannaatsumik nalunaaqutsiisoqarsimassaaq, tassani nalunaarneqarsimassaaq sarfamut nalunaarneqartumut sikringi annerpaaq akuerisaasoq sorliunersoq imaluunniit atortut iluarsineqarsinnaappata sarfaq iluarsineqarsinnaasoq sakkortu-  
nerpaaq.

*Imm. 2. Sarfamut sakkortuallaartumut illersuut arlalinnut siunertalerlugu atorneqarpat, taava nalunaaqutsiinnermi annertussutsit akuerisaasut minnerpaaq nalunaaqutserneqassaaq.*

#### *Ajoqusernaveersaarnermut atortut*

**§ 32.** Ajoqusersinnaanermut illersuutit pisinnaasai aalajangersarneqassapput atortup sumut atorneqarnera apeqqutaatillugu.

*Imm. 2. Ajoqusersinnaanermut illersuutit atuutissapput sarfap sakkortussusia, sarfaqarneq aamma piffissaq eqqarsaatigalugu, taakkualu naleqqutissapput sarfamik kaavitsisup pisinnaasaanut aamma inuit, uumasuutit imaluunniit illup navianartorsiortinneqarnissaannut naleqqiussilluni.*

#### *Qamitsineq aamma immikkoortitsineq*

**§ 33.** Atortussianik innaallagiartortunik ikkussisoqarsimassaaq innaallagiartortunik ikkussuunneqarsimasunik qamitsinnermut atorneqartussanik, taamaaliornikkut innaallagiartortunik ikkussuunneqarsimasunik, sarfalinnik kaaviiartunik imaluunniit atortunit ataasiakkaanik, aqutsinnermi, misissuinnermi, ajoquteqarnerannik misissuinnermi, misileraanermit, aserfallatsaaliuinnermit aamma aqqiussuussinnermi qamitsisoqarsinnaalluni taamatuttaarlu immikkoortitsisoqarsinnaassalluni.

*Imm. 2. Sarfallit kaaviiartui innaallagissap aqqutaannit sarfaqartunit tamanit immikkoortinneqarsinnaassapput. Immikkoortitsineq sarfallit kaaviiartuinut ataatsimoortumik pisinnaavoq, tamanna ingerlatsinnermi pissutsit ajornartinngippassuk.*

**§ 34.** Innaallagissap aqqutaanik ikkussuunneqarsimasumik sarfamik pilersorneqarnerata ingerlaannartumik qaminneqarnissaa pisariaqarpat, taamaaliornikkut inuit, uumasuutit imaluunniit illu navianartorsiortinniarnagit, taava ajutoornermi qamittaammik ikkussisoqassaaq taanna ilisariuminassaaq, sunniuteqarluassalluni aamma pilertortumik atorneqarsinnaassalluni.

#### *Ajoqusernaveersaarnermut ilassut RCD atorlugu*

**§ 35.** Innaallagissap aqqutaanut aalajangersimasumik ikkussorneqarsimasunut innaallagiartortunut illumi atugassanut assigisaannullu ikkuffiit 20 A tikillugu kiliffigalugulu sarfatortut, aammattaaq innaallagissap aqqutaanut aalajangersimasumik ikkussuunneqarsimasunut ikkuffinnut allanut sarfamut sakkortuallaartumut 32 A tikillugu kiliffigalugulu illersorneqartunut, ilaassaaq pilersuinnermik attaveerutitsinissaq autamatiskiusumik qamitsisarteq illersuutaasoq.

*Imm. 2. Illersuutaasut atortut atorneqassapput RCD maluginnilluni sarfaarutitsisarteq annertuner-*



paamik 30mA killiffiliullugu.

*Imm. 3.* Ikkuffiit iikkamiittut atortunut ataasiakkaanut ingerlatsinermi teknikimik pissuteqartumik maluginnilluni sarfaarutsitsisartumut RCD-illersuummut ilaatinneqanngitsut annerpaamik 30mA-mut, tak. imm. 2, automatiskiusumik pilersuineramik unitsitsisartumik illersuummut atortumik RCD-iunngitsumik maluginnilluni sarfaarutsitsisartumik annerpaamik 30mA-mik atortulernerqassapput.

*Imm. 4.* Ikkuffiit iikkamiittut imm. 3 naapertorlugu inissinneqassapput imaluunniit imatut nalunaaqutserneqassallutik, atortunut allanut ikkussiffigalugit atorneqarsinnaajunnaarsillugit.

*Imm. 5.* Piumasaqamma imm. 1-imiittumi ilaatinneqanngitsut tassaapput:

- 1) Innaallagissap aqputaa ikkussuunneqarsimasooq imaalluunniit taassuma ilaa tassunga taamaallaat atortussiat klasse II-mut ilaasut aalajangersimasumik ikkunneqarsimasut, aamma innaallagiartortoq ikkussuunneqarsimasooq ikkuffeqanngippat imaluunniit allanik ikkuffissaqarnani.
- 2) Innaallagissap aqputaa ikkussuunneqarsimasooq innaallagissamut ikkuffilik imaluunniit allanik ikkuffissaqartoq, taanna sarfamik kaaviiartumik immikkut illersuutleqarsimasooq imaluunniit immikkut sakkukitsumik sarfalik, SELV imaluunniit PELV.
- 3) Innaallagissap aqputaa ikkussuunneqarsimasooq IT-mut atortutut nunamut atassusigaq aamma tapinna-veersaammik nakkutigineqartoq.
- 4) Ikkussiffissat, ikkuffiit iikkamiittut illumi atortunut aamma assigisaannut atugassat pinnagit, ingerlatsinermi teknikimik pissuteqartumik maluginnilluni sarfaarutsitsisartumut RCD-illersuummut ilaatinneqanngitsut annerpaamik 30mA-mut. Taamaappat ikkussiffissat taakkua automatiskiusumik pilersuineramik unitsitsisartumik illersuummut atortumik sarfaarutsitsisartumik atortulernerqassapput.
- 5) Napparsimavinni aamma EDB-mut ikkuffiit aqqummik atuuttumik attavilerneqarsimasut aamma teknikimik pissuteqartumik imaluunniit maluginnilluni sarfaarutsitsisartumut RCD-illersuummut ilanngunneqarusunngitsut annerpaamik 30mA-mut. Taamaappat ikkussiffissat taakkua automatiskiusumik pilersuineramik unitsitsisartumik illersuummut atortumik sarfaarutsitsisartumik atortulernerqassapput.

#### *Nalunaaqutsersuineq*

**§ 36.** Naleqquttunik mianersoqqussutininik allagartaliisoqassaaq imaluunniit nivinngaasoqassaaq tamanna isumannaallisaaneq pissutigalugu pisariaqarpat, kiisalu inunnut, uumasuutininut imaluunniit illuutininut navianartorsiortitsinissaq pinngitsoorniarlugu.

*Imm. 2.* Ikkussinermut aamma aqutsinermut atortut nalunaaqutserneqassapput, tassani nalunaarneqarlutik ilaasa sorliit innaallagiartortunik ikkussukkanut aqutsisuunersut.

*Imm. 3.* Atortut ledningit imatut inissinneqarsimassapput imaluunniit imatut nalunaaqutserneqarsimasallutik misissuinerimi, misiliinerimi, iluarsaassinerimi imaluunniit innaallagiartortunik ikkussuunneqarsimasunik allangortitsinerimi.

#### *Innaallagissap aqputai*

**§ 37.** Innaallagissap aqputaasa akornanni imminnut atanerat aamma innaallagissap aqputaasa aamma atortussiat allat akornanni atanerat innaallagissamik attaviat ataavartuussaaq aamma aserujaatsuussaaq, taamattaq naammaginnartumik mekaniskiusumik qajannaassuseqassaaq aamma illersuuteqarluni.

*Imm. 2.* Attaviit tulluurtumik qallerneqassapput taakkua naammaginnartumik mekaniskiusumik illersuu-

taassallutik.

*Imm. 3.* Imaattoqartillugu imm. 2 atuutissanngilaq:

- 1) Aqqutiniq illersuutaasunik ikkussinermi taakkununga attaveqaatit aqqutit ilaannut allaanerusunut assigiisitsissutaasut ilanngullugit.
- 2) Aqqutiniq illersuutaasunik immikkoortunik katiterinermi imaluunniit taakkua akornanni imminnut attaviliinermi, taakkununga aqqutit assigiisitsissutaasut ilanngullugit, tassani piumasaqaataalluni aqqutit sanimut kipigaanni annertussusia 4 mm<sup>2</sup>-nik mikinerussanngilaq.

**§ 38.** Atortussianik innaallagiartortunik ikkussiffissani innaallagiartortoq ikkussuunneqarsimasooq aalajangersimasooq ikkuffilerfissamut, qullermut ikkussiffissamut, qamittaammut, iikkami ikkuffimmut imaluunniit atortussiamut innaallagiartortumut ikkussimasumut inimi attaveqaateqarfiusumik matoqqasumi naaneqartinneqassaaq.

**§ 39.** Aqqut illersuutaasooq qalipaatilinnik nalunaaqutserneqarsimassaaq qorsummik/sungaartumik.

*Imm. 2.* Aqqut qorsuk/sungaartoq taamaallaat aqqutitut illersuutaasutut atorneqarsinnaavoq.

**§ 40.** Innaallagissap aqqutaani ikkussuunneqarsimasumi nukissiat assigiinngitsut assigiissinniarlugit (potentialudligning) illersuummik atuisoqartillugu, taava nunamut ikkunneqarsimasooq nassaarineqassaaq, tassungalu ikkunneqassapput

- 1) attaviit assigiinngissutsinik assigiisitsisussat illersuinerlut atorneqartussat,
- 2) aqqutit nunamut attavilerneqarsimasut aamma
- 3) aqqutit illersuutaasut,

*Imm. 2.* Innaallagissap aqqutaani ikkussuunneqarsimasumi atuunneranut nunamut aqqutit atorneqarpat, taava taakkua taamatuttaaq nunamiittumut attavilerneqarsimassapput.

#### *Kabelit nunap iluani aamma qaavani*

**§ 41.** Nalinginnaasumik kabelit minnerpaamik 0,35 meterimik itissusilimmut nunamut piareerlugit assanneqassapput.

*Imm. 2.* Taamaattoqli Innaallagissiornermut Oqartussat sumiiffinni qaqtigut angalaffigineqartartuni imaluunniit angalaffigineqartanngitsuni akuersissutigisinnaavaa kabelit ,35 meterinik ikkannerusumut assanneqarnissaat imaluunniit nunap qaavatigoortinneqarnissaat. Kabelit ruujorimik illersuuserneqarsimassapput tassaasumik T-179 imaluunniit assigisaanik minnerpaamik qajannaaqataanik.

*Imm. 3.* Kabelit 0,7 meterinik ikkannerusumut aamma 0,35 meterinik sinnerlutigit ititigisumut assanneqarsimasut kabelinut ruujorimik plastikimit, tassaasumit ruujori T-179, U-jusanik (ruujorip T-179-ip qalliu-taa) imermut ruujorinik plastikimit (0,6 MPa) imaluunniit assingusunik illersuuserneqarsimassapput.

*Imm. 4.* Kabelit 0,7 meterinik itinerusumiittut allamik illersuuserneqartariaqanngillat piumasaavorli kabelit qaavinnut 0,2 m båndimik/saattukujuumik ilisarnaaserneqarnissaat. Kabelit arlaliuppata imminnut ungasissusiat 0,2 meterinik annikinnerulluni, tassani taamaallaat piumasaqaataavoq båndimik/saattukujuumik ataasiinnarmik ilisarnaaserneqarnissaat.

*Imm. 5.* Kabelit nunap iluanit nunap qaavanut pisinneqartut mekaniskiusumik aamma sikumit sunnerneqarnissaminut nunap iluani aamma nunap qaavani illersuuserneqassapput, ruujorinik saviminernik, ruujo-

rinik sisannik, saviminernik kabelinut puussanik imaluunniit imermut ruujorinut plastiklinik taakkua minnerpaamik naqitsineq 0,6 MPa akiorsinnaassavaat.

*Imm. 6.* Kabelit taamaallaat sarfamik kaaviiartumik SELV-imik aamma PELV-imik ingerlaffigineqartut imm. 1-4-mut ilaatinneqanngillat, kisianni taakkua båndimik ilisarnaammik nalunaarneqassapput.

**§ 42.** Assiaqutit saattukujuut, ruujorit aamma U-jusat plastikimik suliat kabelinut nunamiittunut illersuutaasussat aamma båndit nalunaaqutsersuutit plastikit kabelinut nunamiittunut nalunaaqutsersuutaasussat aappaluttumik qalipaateqassapput.

*Imm. 2.* Assiaqutit saattukujuut minnerpaamik 100 mm.-imik silissuseqassapput aamma mianersornissamut allagartalerneqarsimassallutik.

*Imm. 3.* Nalunaaqutsiinnermut båndit minnerpaamik 25 mm.-imik silissuseqassapput, issussusiat minnerpaamik 0,3, mm. aamma mianersornissamut allagartalerneqarsimassapput.

*Imm. 4.* Mianersornissamut allagartaq tak. imm. 2-3, imaassaaq

1) naqinnerit minnerpaamik 10 mm-imik angissuseqassapput,

2) qalipaataat qernertuussaaq aamma

3) uteqattaarneqassaaq annerpaamik 200 mm-inik allagartap akornanni akunnilerlugit.

*Imm. 5.* Assiaqutissat saattukujuut pineqartillugit imm. 4, normu 2-mi taamaallaat atorineqarsinnaapput, taakkua naqinnilerlugit nalunaaqutserneqarsimagunik.

#### *Ikkussuinnermi attaviit*

**§ 43.** Ikkussuutani ikkuffiit attaveqarnermut atortut imaassapput

1) ikkunneqassaaq puulerlugu, taamaallaat sakkumik ikiorserluni ammarneqarsinnaasumik,

2) nalinginnaasumik anguneqarsinnaajunnaarlugu inissinneqassaaq minnerpaamik natermit 2,5 meterinit qutsitsigisumut,

3) imaluunniit illup iluani qangatsersimanermut.

*Imm. 2.* Ikkussuutani ikkuffiit attaveqarnermut atortut taamaallaat sarfaqartinnagit katiterneqassapput aamma isatinneqarlutik.

#### *Ikkuffinnik iikkamiittunik aamma ikkuffinnut iikkamiittunut ikkutassanik illup iluani atortuniittunik aamma assigisaannik atuineq*

**§ 44.** Innaallagiartortumut ikkussuunneqarsimasumut taamaallaat ikkuffiit iikkamiittut aamma ikkuffinnut iikkamiittunut ikkutassat illup iluanit atortuniittut aamma assigisaat ikkunneqarsinnaasut taamaallaat tassaapput, atortussianik innaallagiartortunik isumannaallisaaneq pillugu nalunaarusiaq naapertorlugu akuersissutigineqarsimasut.

**§ 45.** Innaallagiartortuni ikkussuunneqarsimasuni ikkuffiup iikkamiittup sarfaata aamma sarfap kortslutternissaanut illersuutip siornaniittup qaninnerpaap akornanni imatut atassuteqassaaq:

1) Ikkuffinnut iikkamiittunut 10 A-mik sarfalinnut aamma 13 A-mik sarfalinnut sarfaq akuerineqartoq sakkortunerpaap kortslutternissamut illersuutaasoq 13 A-tut sakkortussuseqassaaq.

2) Ikkuffinnut iikkamiittunut 10 A-mik sarfalinnut sarfaq akuerineqartoq sakkortunerpaaq kortslutternis-samut illersuutaasoq 16 A-tut sakkortussuseqassaaq.

**§ 46.** Ikkuffiit iikkamiittut napparsimavinnut naatsorsuussaasut taamaallaat napparsimavimmi aamma as-sigisaanni ikkunneqaqqusaapput.

*Imm. 2.* Napparsimavinni ikkuffinnut iikkamiittunut taamaallaat atortussianut immikkut napparsimavin-nut naatsorsuussanut ikkamiittunut ikkunneqartussat immikkut ittut atorreqassapput.

#### *Sumiiffiit ikkussuiffiusut*

**§ 47.** Ikkuffiit iikkamiittut illup iluani atortussanut aamma assigisaannut aammattaaq ikkuffiit iikkamiittut aallat atorsinnaasumik illersuutitalimmik ikkuffeqassapput, taamaattorli tak. imm. 3.

*Imm. 2.* Sumiiffiit ikkussuiffiusut allani aqquteqassaaq illersuutaasumik atorsinnaasumik, taamaattorli tak. imm. 4.

*Imm. 3.* Imatut pisoqartillugu imm. 1 atuuttussaatinneqassanngilaq:

1) Ikkuffiit iikkamiittut aalajangersimasut taakkua ikkuffittai marlunnik manissummik putoqarlutik nuna-mut ikkunneqartumut attaveqanngitsut atortunut klasse II-mut ikkuffissat annerpaamik 2.5 A-mik 250 V a.c.-imik sakkortussusilimmut, taanna ikkuffimmut marlunnik putulimmut katitigaallutik atorsinnaasumik illersuutitalimmik ikkuffeqassapput.

2) Ikkuffiit iikkamiittut SELV-imik illersuuserneqarsimasut.

*Imm. 4.* Imatut pisoqartillugu imm. 2 atuuttussaatinneqassanngilaq:

1) Sumiiffinni ikkussuiffiusuni atortussiat klasse II-mut ilaasut aalajangersimasumik ikkusimatillugit.

2) Sumiiffinni ikkussuiffiusuni SELV-imik illersugaaserneqarsimasuni.

**§ 48.** Ikkuffiit iikkamiittut sarfap kaaviiarneranit immikkoortumik illersuutitalit illersuutitalimmik ikkuf-feqassapput.

*Imm. 2.* Sarfap kaaviiarfia immikkoortoq atortussianut sarfamik atuisunut ataasiinnaanngitsumut piler-suinnermut atorreqarpat, taava aqqutit ilaat sarfap kaaviiarfianut immikkoortumut attuumassuteqartut a-taatsimoortillugu atassuserneqassapput aqqutinut assigiisitsisunut nunamut attavilerneqanngitsunut ta-pinnaallisarneqarsimasunut.

*Imm. 3.* Aqqutit assigiisitsisut tapinnaallisarneqarsimasut nunamut attavilerneqarsimanngitsut aqqutinut illersuutitalinnut atassuserneqassanngillat, aqqutit ilaannut sarfap kaaviiarfianut allanut imaluunniit aq-qutit ilaannut allaanerusuut.

**§ 49.** Atortussiat klasse I aqqutit illersuutitalinnut sumiiffinnit attavilerfigisaannit nuunneqanngikkunik i-maluunniit aqqutigalugu aqqummut illersuusikkamut attavilerneqarsimanngikkunik ikkuffik iikkamiittoq attavilerneqarsimassapput.

**§ 50.** Sumiiffiit ikkussuiffiusussat qanoq amerlatiginerat innaallagiartortumut ikkussuunneqarsimasumut aalajangersimasumiittussat atortussanut ilimagineqartunut naleqqussarneqarsimassapput, kiisalu amer-lassusilerlugit aamma imatut inissinneqassapput ledninginit ilaartornissaat pisariaqassanani.

*Atortussianik innaallagiartortunik innaallagissap aqqutaanut ikkussuunneqarsimasunut  
aalajangersimasunut ledninginik ikkussineq*

**§ 51.** Atortussiamik innaallagiartortumik ledningitalimmik innaallagissap aqqutaanut aalajangersimasumut ikkussinermi imatut iliortoqassaaq ikkuffimmut iikkamiittumut ikkuttakkamik ikkutinngikkaanni imaluunniit aniingasumut assigisaanulluunniit attavilerneqassaaq, tassunga ledningi ikkunneqartussaq nusunneqarnissaanut aamma qipitinneqarnissaanut atortulerlugu, atortussiamut innaallagiartortumut ilaasumik innaallagissap aqqutaanut ikkussuunneqarsimasup ilaanut tassa ledningip ikkunneqarfigisaanut, illersorneqassaaq.

*Imm. 2.* Ledningi ilassutaasoq innaallagissap aqqutaanut aalajangersimasumut inimi imaluunniit silami ikkunneqassaaq, tassa atortussiap innaallagiartortup atorneqarfissaani. Tamanna atortussianut innaallagiartortunut atorneqarnermini nuunneqartartunut atuutinngilaq.

*Imm. 3.* Ledningit ilassutaasut mekaniskiusumik, akuutissanik imaluunniit kissartumik ajoquserneqassanngillat.

*Inissiat*

**§ 52.** Inissianni ataasiakkaani innaallagissap aqqutaannut ikkussuunneqarsimasunut §§ 54-imit 59-imut atuupput aamma innaallagissap aqqutaanut ikkussuunneqarsimasunut illup silaataaniittunut, taakkua illumit pilersorneqarpata.

**§ 53.** RCD imaakkuni AC illumi ajortissimasunut illersuutitut atorneqaqqusaanngilaq.

**§ 54.** Innaallagissap aqqutaa illersuutaasoq ikkussiffinninngaanneersoq ikkuffinnut ingerlanneqarsinnaasunut nuunneqassaaq atortussianut klasse I-nut, imaanngippat innaallagissap aqqutaa ikkussuunneqarsimasooq RCD-mit illersorneqarluni innaallagissap qamittaataani sakkortunerpaamik 30mA-mit pilerneqarsimalluni, taamaattorli tak, imm. 2-3.

*Imm. 2.* Innaallagissap aqqutaa illersuutaasoq ikkussiffinninngaanneersoq ikkuffinnut ikkunneqarsimasunut ingerlanneqarsinnaasunut nuunneqassaaq atortussianut klasse I-nut, elektroniskiusumik nakorsaanermi atorneqartartunut.

*Imm. 3.* Illunit 1. januaari 2018-ip kingornatigut napparneqarsimasunut innaallagissap aqqutaa illersuutaasoq ikkuffinnut ikkunneqarsimasunut ingerlanneqarsinnaasunut nuunneqassaaq atortussianut klasse I-nut ikkunneqarsimasunut.

**§ 55.** Atortut illersuutaasut illumi atuuffigisaminni inissinneqassapput.

*Imm. 2.* Atortut illersuutaasut natsermit 2,2 meterinit qutsinnerusumut inissinneqarsimassanngillat. Atortut illersuutaasut natermit 1 meterinit qutsinnerunngitsumut inissinneqarunik, taava sikaavimmut paarneqarsinnaasumut inissinneqassapput.

*Imm. 3.* Atortut illersuutaasut ininut allanut illumut ilaasumut inissinneqarsinnaapput, kisianni illumiit toqqaannartumik iserfigineqarsinnaanngitsumut. Taamaattorli tamanna atuutinngilaq sumiiffiit tamat aqutigisartagaat aqutigalugit iserfigisinnaaasaanni soorlu majuartarfinni, torsuusani, aqqusineeqqani assigisaannilu.

*Imm. 4.* Suliffinni inunnut imminnut nammineerlutik ikiorsinnaanngitsunut inigineqartuni atortut illersuutaasut illup silataanut inissinneqarsinnaapput, piumasaqataavorli suliffik ulloq unnuarlu sulisoqartarnissaa.

**§ 56.** Ikkussuiffiit qanoq amerlatiginissaat iikkami ikkuffinnik aamma qaammaqqutitut armaturinut aamma atortussanut allanut ikkuffissanik nukissiamik annertunngitsumik atuisunut 250 V-nik pilersuisut, taakua ikinnerpaamik illup katillugu angissusia 50-imik aggorlugu amerlassuseqassapput. Taamaattorli ikinnerpaamik marlunnik immikkoortoqassaaq.

*Imm. 2.* Illup angissusia naatsorsorneqassaaq Angissutsinut oqartussasut ilitersuussutaat naapertorlugit.

*Imm. 3.* Immikkoortut ataatsimik, marlunnik imaluunniit pingasunik faseqartut (faset) immikkoortutut ataatsit naatsorsuutigineqarpoq.

*Imm. 4.* Immikkoortut qanoq amerlatiginerannut imm. 1, naapertorlugu ilanngunneqanngitsut makkuuput:

- 1) Atortussianut immikkoortut piffissamut naatsorsuilluni nukissiamik annertuumik atuisunut.
- 2) Immikkoortut atortussianik 1-faselinnik ikkussiffissaasunik 6A-mit annertunerusumik sarfatortuni, kii-salu taakkunani sarfap kaavinnera nal. akunnerinik 2-nik sivirusunerusumik ikumanissaa naatsorsuutigineqarsinnaalluni.

**§ 57.** Illumi inini ataasiakkaani iikkami ikkuffiit 250 V-usut innaallagissap aqutaanut aalajangersimasumik ikkussuuneqarsimasunut atasut naqqup angissusaa 4 m<sup>2</sup> aallarnerfigalugu ikinnerpaamik ataatsimik ikkuffiliisoqassaaq. Taamaattorli iikkami ikkuffiit qulinit amerlanerunissaat piumasaqaataangilaq.

*Imm. 2.* Igaffinni iikkami ikkuffiit ikinnerpaamik pingasut inissinneqassapput. Taakua imatut inissinneqassapput atortorissaarutit nuunneqartartut iikkami ikkuffinnut ikkunneqartartut atorneqarfissaannut aamma ikinnerpaamik immikkoortunut marlunnit immikkoortinneqassapput.

*Imm. 3.* Igaffeeqqani ikinnerpaamik ataatsimik iikkami ikkuffeqassaaq, taanna imatut inissinneqassaaq atortorissaarutit nuunneqartartut iikkami ikkuffinnut ikkunneqartartut atorneqarfissaattut eqqarsaatigineqarsinnaasumut.

*Imm. 4.* Perusuissartarfiit WC aamma uffarfiit imm. 1-imut ilaatinneqanngillat. Taamaattorli ikinnerpaamik ataatsimik iikkami ikkuffeqassaaq, imaangippat uffarfik ima mikitigaluni isumannaallisaanermut piumasaqaatit allat iikkami ikkuffimmik ikkussisoqarnissaa ajornartillugu.

*Imm. 5.* Init biilisiviit (Garage), biilinit pulatitsiviit (carport), qaliani init, init toqqorsiviit assigisaallu imm. 1-imut ilaatinneqanngillat.

**§ 58.** Qaammaqqutit armaturit aalajangerlugit ikkunneqarsimanngitsut ikkuffiisa eqqaanni, innaallagissap aqutaasa ikkussuuneqarsimasut innarlernagit ikkussiffigineqarnissaat anguniarlugu, imaattoqassaaq

- 1) kiggiffissat aalajangersimasumik inissinneqarsimasut,
- 2) DCL illup iluani atortussiaq EN 61995-2 naapertorlugu, Udstyr til tilslutning af belysningsarmaturer til husholdningsbrug og lignende del 2, DCL-imut quppersakkat, imaluunniit
- 3) qullernut ikkuffik aamma ikkuffik iikkamiittoq DS 60884-2-D1 naapertorlugu, Stikpropper og stikkontakter til husholdningsbrug og lignende.

**§ 59.** Innaallagissap aqqutaanik ikkussuunneqarsimasunik sumiiffinni qaartoorfiusinnaasutut navianartu-  
ni suliaqarneq EN 60079-14 naapertorlugu, Eksplosive atmosfærer, del 14, Konstruktion, valg og  
opbygning af elektriske installationer.

*Innaallagissap aqqutai utaqqiisaagallartumik ikkussuunneqartut*

**§ 60.** Innaallagissap aqqutai utaqqiisaagallartumik ikkussuunneqartuq qaammatit pingasut sinnerlugit a-  
tatinneqarpat, taava ikkussuunneqarsimasuq qaammatit pingasukkaarlugit suliffeqarfimmit innaallagiale-  
rinissamut akuersisummik peqartumit taakkua misissorneqartassapput.

*Imm. 2.* Innaallagissap aqqutaanik utaqqiisaagallartumik ikkussuunneqarsimasumik piginnittup imaluun-  
niit atuisup, misissuinerup ingerlanneqarnissaa aamma ikkussuunneqarsimasut atorineqareernermigut  
peerneqarnissaa akisussaaffigaa.

**Kapitali 5**

*Innaallagissap aqqutai ikkussuunneqareersimasut illersuuteqarnerat RCD-inik ilallugu*

**§ 61.** Innaallagissap aqqutaani pioreersuni ikkuffiit iikkamiittut illup iluani atortorissaarutitut assigisaan-  
nullu atorineqartussat 16 A-mik angullugulu sarfallit, taamatuttaaq ikkussiffissat allat aalajangerlugit ik-  
kussuunneqarsimasut sarfaqarpallaalernissamut 20 A anngullugulu illersuutillit, tamakkua pilersorneqar-  
nerata automatiskiusumik qaminneqartussanngorlugit illersuuserneqassapput.

*Imm. 2.* Atortutut illersuutitut atugassat tassaapput RCD maluginnilluni sarfamik sakkortunerpaamik 30-  
mA-mit qamitsisartoq.

*Imm. 3.* Ikkuffiit iikkamiittut atortussanut ataasiakkaanut naatsorsuussat, ingerlatsiner-  
mi teknikikkut pissutsit pissutigalugit RCD-mik illersuummik sarfamik maluginnilluni sakkortunerpaamik 30mA-mit ilan-  
ngunneqarsinnaanngitsut, tak. imm. 2, automatiskiusumik qamminneqarnissaannut illersuuserneqassap-  
put, illersuut RCD-uintgitsoq atortoq alla iluaqutigalugu sarfamik maluginnilluni sakkortunerpaamik 30-  
mA-mit qamitsisartoq.

*Imm. 4.* Ikkuffiit iikkamiittut imm. 3 naapertorlugu imatut inissinneqassapput imaluunniit imatut nalunaa-  
qutserneqassapput, taakkua atortussanut allanut ikkussiffigisinnajunnaarlugit.

*Imm. 5.* Piumasaqaat imm. 1-imiittoq makkununga atuutinngilaq:

- 1) Innaallagissap aqqutai imaluunniit taakkua ilaat, tassani taamaallaat atortussiaq klasse II aalajangersi-  
masumik ikkunneqarsimalluni, kiisalu ikkunneqarsimasuq pineqartuq ikkuffeqarluni imaluunniit allanik ik-  
kussiffissaqarluni.
- 2) Innaallagissap aqqutai ikkuffilik imaluunniit allanik ikkussiffissaqartuq sarfap kaaviiarfanik immik-  
koortumik imaluunniit SELV-mik imaluunniit PELV-mik illersuuteqartuq.
- 3) Innaallagissap aqqutai IT-mut nunamut atortulerneqarsimasut aamma tapinnaveersaaserlugit nakkuti-  
gineqartut.
- 4) Ikkussiffissat allat taamaallaat illup iluani atortussanut assigisaannullu ikkuffiit iikkamiittut pinnagit, i-  
ngerlatsiner-  
mi teknikikkut pissutsit pissutigalugit RCD-mik illersuummik sarfamik maluginnilluni sakkor-  
tunerpaamik 30mA-mit ilanngunneqarsinnaanngitsut. Taamaattoqartillugu ikkussiffissat taakku automa-  
tiskiusumik qamminneqarnissaannut illersuuserneqassapput atortoq illersuut alla iluaqutigalugu.

5) Napparsimavinni aamma EDB-mut ikkuffiit aqquumik atuuttumik attavilerneqarsimasut aamma teknikimik pissuteqartumik imaluunniit maluginnilluni sarfaarutsitsisartumut RCD-illersuummut ilanngunneqarusunngitsut annerpaamik 30mA-mut. Taamaappat atortorissaarutinut taakkununga ikkussiffissat taakua automatiskiusumik pilersuineramik unitsitsisartumik illersuummut atortumik sarfaarutsitsisartumik atortulerneqassapput.

6) Innaallagissap aqqutai ikkussorneqareersimasut kaaviiaartumik sarfallit, tassani piumasaqaataalluni ajortittoorneq pissutaalluni sarfap kaaviiaartuata allap ajunngitsumik ingerlanera annikillisissanagu, aamma RCD-mik ikkussinerup kingunerissappagu piumasaqaatip taassuma eqqortinneqannginnissaa.

#### *Allanngortitsinerit imaluunniit annertusititsinerit*

§ 62. Innaallagissap aqqutaanik pioreersunik annertusititsineri imaluunniit allanngortitsineri, atortusiat innaallagiartortut maluginninnissaannut sakkortussuseq aamma pissutsit, sakkortussutsimik annertunerusumik atuineramik nammattussaanerata annertusitsisineritut imaluunniit pissutsinut allanngortunut naammattuunissaa qulakkeerneqassaaq. Tamakku saniatigut nunamut attaveqartitsineq aamma assigiitsisinarluni attaveqaatit naammaginaruussapput, tamakku illersuuteqarnissamut iliuusissanut pisariaqarpata tassa annertusititsineri imaluunniit allanngortitsineri isumannaallisaaneq atorpeqartoq mianeriniarlugu.

§ 63. Innaallagissap aqqutaanik pioreersunik annertusititsineri imaluunniit allanngortitsineri ikkussiffissat annerpaamik marluutillugit, akuerineqarpoq aqquqip illersuutaasup pinngitsoorneqarnissaa, imaappat aqut illersuutaasoq ikkussuunneqarsimasumi pioreersumik peqanngippat, tassani piumasaqaataavoq annertusititsineritut imaluunniit allanngortitsineritut RCD atorlugu maluginninnermut sarfaq annerpaamik 30mA-julluni.

§ 64. Innaallagissap aqqutaanik pioreersunik annertusititsineri imaluunniit allanngortitsineri ikkuffiit iikkamiittut illersuuserneqarsimasut, annertusititsineritut imaluunniit allanngortitsineritut ilaasut aqquqummut atuuttumik illersuutitalimmut attavilerneqassapput.

§ 65. Innaallagissap aqqutaani pioreersuni ikkussuunneqarsimasuni akuerisaavoq immikkut nunamut elektrodemik pilersitsinissaaq nunamut attaveqartumut pingaarnermut atassusinngikkaluarlugu, taanna ikkussorneqarsimasumik ilanngunneqarsimanngippat.

*Imm. 2.* Taamaattorli aqquqip ilaat innarlerneqarsinnaasut ataatsikkullu attorneqarsinnaasut, tamatigut elektrodemut nunamukartumik assinganut atassuserneqassapput.

§ 66. Illuni innaallagissap aqqutaa pioreersoq ikkussuunneqarsimasooq igaffimmiittoq ikkuffinnik iikkamiittunik marlunnik ilaneqarsinnaavoq taakkua immikkoortunut marlunnut avinngikkaluarlugit.

§ 67. Allanngortitsisoqassanngilaq innaallagissap aqqutaanik pioreersunik ikkussuunneqarsimasunik isumannaallisaanermik ajornerulersitsilluni.

#### *Innaallagissamut ledningit katiteriffii (tavler) pioreersut*



**§ 68.** Innaallagissamut ledningit katiteriffianik pioreersumik innaallagissamut aqquatinut ilaasumik qalligaanerani pioreersumik suliaqarneq, aqqissuussineq, allanngortitsineq aamma annertusititsineq sanatitsisup fabrikkip innersuussutai aammattaaq piumasaqaatit naapertorlugit ingerlanneqassaaq, innaallagissamut ledningit katiteriffiata sananeqarnerata aamma ikkussuunneqarnerata nalaani atuuttut naapertorlugit

*Imm. 2.* Qalligaanerata pioreersup saniatigut annertusititsineq innaallagissap ledningiik katiteriffittut nutaatut isigineqarpoq, tassanilu piumasaqaatit aamma aalajangersakkat maannakkut atuuttut malinneqassapput.

*Imm. 3.* Innaallagissamut ledningit katiteriffiat pioreersoq nuunneqarpoq, tassani piumasaqaatit aamma aalajangersakkat piffissap nuussiffiusup nalaani atuuttut eqqortinneqassapput.

**§ 69.** Innaallagissamut ledningit katiteriffiat pioreersoq allanngortinneqarpat imaluunniit annertusineqarpat, taanna ajortissinnaaneranut illersorneqarluni taava allanngortitsineq imaluunniit annertusititsineq aammattaaq ajortissinnaaneranut illersorneqarneranut ilanngunneqassaaq.

**§ 70.** Innaallagissamut ledningit katiteriffiat pioreersoq ajortissinnaaneranut illersuutitaqanngitsoq allanngortinneqarpat imaluunniit annertusineqarpat qalligaanerata pioreersup iluani, taava allanngortinneqarnerata imaluunniit annertusineqarnerata innaallagissamut ledningit katiteriffiata iluaniittumik taamaattoqarnissaa piumasaqaataannngilaq.

*Imm. 2.* Innaallagissamut ledningit katiteriffiat pioreersoq immikkoortunik nutaanik ilaneqarpat, ilassutigineqartoq tamakkerlugu tapinnaveersaaserlugu illersorneqarsinnaavoq.

*Imm. 3.* Pilersuinerup automatiskiusumik qaminnissaanut illersuusiliineq taamaallaat iliuuserineqassaaq, innaallagissamut ledningit katiteriffianut ikkussuiffimmi imaluunniit innaallagissamut ledningit katiteriffiata saavani illersuinermut atortunik ikkussisoqarsimappat, taannalu ajortittoqartillugu pilersuinermit qamitsisarluni.

#### *Sarfamik ajortoqartillugu qamittaait*

**§ 71.** Sarfamik ajortittoqartillugu qamittaait taarserneqarsinnaapput innaallagissap aqqutaa ikkussuunneqarsimasooq, piffissap suliarineqarnerata nalaani imaluunniit kingusinnerusukkut aqquutit nuunneqarnerisa nalaani innaallagissap aqqutaanut ikkussuunneqarsimasunut tunngatillugu aalajangersakkat atuuttut malillugit suliarineqarsimappata.

**§ 72.** Aqutit ilersuutaasut aamma nunamut ikkunneqarsimasut sarfamik ajortittumik qamitsisartut nalimmassaanermut attavimmut pingaarnermut ikkuteqqusaanngillat.

#### *Innaallagissap aqqutaani ikkussuunneqarsimasuni sumiiffiit ikkussiffissat aqut illersuutaasoq atorneqarnani*

**§ 73.** Atortut Klasse I-mut ilaasut innaallagissap aqqutaanut ikkussuunneqarsimasumut aqqummik illersuutaasumik atorsinnaasumik pilernagit ikkunneqarsinnaapput, tassanili piumasaqaataavoq ikkussorne-

qarsimasup RCD-mit illersuuserneqarnissaa maluginnilluni sarfamik qamitsisinnaasumik annerpaamik 30mA-mik sakkortussuseqartumik illersuuserlugit.

*Imm. 2.* Atortussiat innaallagiartortut tassani aqut illersuutaasoq pisariaqartinneqarluni isumannaallissaneq eqqortoq atuutissappat, aamma elektroniskiusumik nakorsaanermi atorineqartartut, imm. 1-imut ilaattinneqanngillat.

*Imm. 3.* Innaallagissap aqqutai ikkussorneqareersimasut kaaviiartumik sarfallit, tassani piumasaqaataluni ajortittoorneq pissutaalluni sarfap kaaviiartuata allap ajunngitsumik ingerlanera annikillisissanagu, aamma RCD-mik ikkussinerup kingunerissappagu piumasaqaatip taassuma eqqortinneqannginnissaa.

#### *Qaammaqqutitut atortut sumiiffinni tamanit orninneqarsinnaasuni*

**§ 74.** Qaammaqqutitut atortunik sumiiffinni tamanit orninneqarsinnaasunik aaqqissuussinermi imaluunniit aserfallatsaaliuinerneq atorineqartussat tassaapput

- 1) armaturit imaluunniit taakkua ilaat ataasiakkaat pioreersut assigisaat,
- 2) armaturit imaluunniit taakkua ilaat ataasiakkaat klasse II-mut ilaasut, imaluunniit
- 3) ilassutaasumik illersuutiliineq § 35 naapertorlugu.

*Imm. 2.* Imaappat armaturinut imaluunniit taakkua ilaannut ataasiakkaanut tunngatillugu imm. 1 eqqortinneqarsinnaanngippat, qaammaqqutitut atortut ilaat isigineqassaaq taakkua ilaat ilanngunneqartoq, nutaatut isigineqarluni taakkualu najoqqutassiami matumani innaallagissap aqqutaanik nutaanik piumasaqaatit eqqortissavaat.

### **Kapitali 6**

#### *Uppernarsaaneq*

**§ 75.** Innaallagissap aqqutaanik ikkussuunneqartunik suliaqarneq uppersarsarneqartussaavoq, tassa ikkussuussinermi najoqqutassiaq manna malinneqarsimanersoq. Uppersarsaaneq ingerlanneqassaaq innaallagissap aqqutaasa ikkussuunneqarsimasut atorineqalernissaat sioqqullugu.

*Imm. 2.* Uppersarsaanermut ilaapput misissuineq, misileraaneq aamma nalunaarusiorneq.

*Imm. 3.* Misissuineq aamma misileraaneq ingerlanneqassapput piffissap uppersarsaaffiusup nalaani Kaallit Nunaanni atuuttoq tassaasoq HD 60364-6, Elektriske lavspændingsinstallationer, del 6, verifikation.

*Imm. 4.* Ikkussuunneqarsimasooq atorunnaartutut nalunaarneqartoq soorlu assersuutigalugu uuttuut peerneqarpat/qaminneqarpat, taava ikkussuunneqarsimasut atorunnaarsimaneratut tamanna isigineqassaaq. Ikkussuunneqarsimasooq ingerlajunnaarsimappat piffissami ataannartumi sivisijaartumik, taava innaallagissamik nioqquteqartup piumasarisinnaavaa ikkussuunneqarsimasup misissorneqarnissaa aamma misilerarneqarnissaa installatørimit akuersisummik peqartumik suliarineqartumik, tassa uuttuummik ikkuseqqinnissaaq imaluunniit atuutilersitsinissaaq sioqqullugu.

Misissuereernerup piumasaqaataasup kingornatigut innaallagissamik nioqquteqartumut, ikkussuunneqarsimasup atulernissaa sioqqullugu, atuisutut nutaamik nalunaaruteqartoqassaaq. Ikkussuunneqarsimasup atuutilerseqqinnissaa sioqqullugu minnerpaamik piffissap suliarineqarnerata nalaani maleruqqusat atuuttut naammassineqarsimassapput.

*Imm. 5.* Suliffeqarfiit akuersisummik peqartut pitsaassutsimut qulakkeerinninnermut attuumassuteqartumi inaarutaasumik misissuineq pillugu aalajangersakkat naapertorlugit nalunaarusiaq toqqortarineqas-

saaq.

*Imm. 6.* Suliat innaallagissamut tunngasut, Suliffeqarfimmik innaallagissap aqqutaanik ikkussuinissamut akuersissuteqarneq pillugu najoqqutassiami ilaasumi, kikkunniit tamanit suliarineqarsinnaasunut tunngasut, imm. 1 naapertorlugu akuersissuteqarnissaq piumasaqaataanngilat.

## Kapitali 7

### *Ingerlatsineq aamma aserfallatsaaliuineq*

#### *Innaallagissap aqqutaani ikkussuunneqarsimasumi imaluunniit eqqaani ingerlatsineq*

**§ 76.** Innaallagissap aqqutaani ikkussuunneqarsimasuni imaluunniit taakkua eqqaanni ingerlatsinerni innaallagissap navianarsinnaanera nalilersorneqassaaq, taamaaliornikkut ingerlatsineq isumannaatsumik suliarineqarsinnaammat.

*Imm. 2.* Innaallagissap aqqutaani ikkussuunneqarsimasuni imaluunniit taakkua eqqaanni ingerlatsinerit, EN 50110-1 Drift af elektriske installationer og elektriske anlæg, tassani pineqanngilaq inunnut sarfaqartillugu suliamik ingerlatsisunut ilinniarsimanissamut piumasaqaat.

**§ 77.** Inuit innaallagissap aqqutaanik sarfaqartunik ikkussuunneqarsimasunik imaluunniit taakkua eqqaanni suliaminnik ingerlatsisut, suliamik suliarinninnissaminnut naammaginartumik piginnaasaqassappat, taamaattuunermikkut navianartut innaallagissap pilersissinnaasai pinngitsuussagamikkit.

**§ 78.** Inuit innaallagissap aqqutaanik sarfaqartunik ikkussuunneqarsimasunik imaluunniit taakkua eqqaanni suliaminnik ingerlatsisut, 18-it sinnerlugit ukioqalereersimassapput.

*Imm. 2.* Innaallagissap aqqutaanik ikkussuunneqarsimasunik sarfaqartunik uuttortaaneq aamma ajoqutini misissuineq inunnit ilinniakkaminnik ingerlatsisunik suliarineqarsinnaavoq, taakkua 16-inik ukioqalereersimagunik aamma ilitersorneqarsimagunik kiisalu inummik paasisimasalimmik nakkutigineqarunik.

**§ 79.** Inuit innaallagissap aqqutaanik sarfaqartunik ikkussuunneqarsimasunik suliaqartartut piffissami aalajangersimasumi aamma pisariaqassusilimmik annertussuseqartumik ilitersorneqartassapput, taamaattunik suliaqartarnermut tunngatillugu isumannaallissanermut tunngatillugu eqqortumik pissusilersortarissamut atatillugu.

#### *Atortunik innaallagiartortunik aserfallatsaaliuineq*

**§ 80.** Atortussianik innaallagiartortunik innaallagissap aqqutaanut ikkussuunneqarsimasunut ikkussinermut atatillugu suliffeqarfiit imaluunniit inuit, atortussianik innaallagiartortunik sulinermut atatillugu atuisut qulakkiissavaat atortussiat innaallagiartortut aserfallatsaalineqarsimanerat, taamaaliornikkut inunnut, uumasuutitut imaluunniit illunut navianartorsiortitsinnginnissaat anguniarlugu:

- 1) Nammineq suliffeqarfingngisami imaluunniit inummi namminerimi allanik sullissinerimi,
- 2) Atortussianik innaallagiartortunik allanut attartortitsinerimi.

#### *Innaallagissap aqqutaanik ikkussuunneqarsimasunik atulersitseqqinneq*

**§ 81.** Sikringit aattartut, sikringit automatiskiusut imaluunniit sarfaqarpallaalernermi illersuut sakkortu-nerpaaffimmi attaveerutitsisartut atorineqartillugit, aassimanermik imaluunniit automatiskiusumik attaveerunnermik kingornatigut taamaallaat ataasiaannarlugit taarseqqusaapput imaluunniit atulersitseqqusaapput.

*Imm. 2.* Sikringi aqqippat imaluunniit automatiskiusumik attaveeruteqqippat, taava attaveqartitseqqiler-nissaq sioqqullugu ajoqutaasoq peerneqassaaq.

**§ 82.** Atortussianik innaallagiartortunik automatiskiusumik atulersitseqqinneq innaallagissamut qupin-guallannissamut illersuutaasoq pilersuineramik automatiskiusumik attaveerutitsinikkut, inerteqqutaavoq tassani inuit tamatumunnga tunngasumik ilinniarsimannigitsut innaallagissap aqqutaanut ikkussuuneqar-simasunut isersinnaatillugu.

**§ 83.** Naatsorsuutigineqarsinnaappat navianartorsiortitsisinnaaneq imaluunniit aseruisoqarsinnaanera, tassa pilersuinerup atulersitseqqinneranut atatillugu, innaallagissap aqqutaanut ikkussuuneqarsimasu-nut imaluunniit atortussiamut ikkussuuneqarsimasumut tunngatillugu qanoq iliornissamut piareersarto-qarsimassaaq.

## **Kapitali 8**

### *Nalunaaruteqartarneq*

**§ 84.** Innaallagissamik sakkukitsumik sarfalimmik ikkussuussinermi maleruaqqusat nalinginnaasut HD 60364 atuuttoq naapertorlugu suliarineqarpat Kalaallit Nunaanni allannguutit/ilanngunneqarsimasut ilan-ngullugit atorineqanngippat, imaluunniit ilaannaa atorineqarluni taava elinstallatøritut suliffeqarfiup ta-manna Innaallagissiornermut Oqartussanut nalunaarutigissavaa.

Nalunaaruteqarnermi nalunaarutigineqartussat tassaapput:

- 1) innaallagissap aqqutaanik ikkussuuneqarsimasunik pioreersunik annertusititsineq aamma
- 2) innaallagissap aqqutaanik nutaanik ikkussuineq.

*Imm. 2.* Nalunaaruteqarneq imm. 1 naapertorlugu paasisutissanik aamma uppersaasersuutini mak-kuninnga ilaqassaaq:

- 1) Innaallagissap aqqutaanik ikkussuuneqarsimasunik ikkussuiffiup sumiiffia.
- 2) Piffissaq qanga suliaassap suliarineqarsimanera.
- 3) Piffissaq qanga pilersaarusiornerup naammassineqarsimanera, tamanna attuumassuteqarpat.
- 4) Nalunaarummi matumani isumannaatsuutitsinissamut piumasaqaatit eqqortinneqarsimanerannut up-pernarsaasersuutit.
- 5) Misissuisimanermut uppersaasersuut tassa innaallagissap aqqutaasa ikkussuuneqarsimasut, tekni-kimut tunngatillugu uppersaasersuutitut naapertorlugit pisimanersut.
- 6) Uppersaasersuutit atortussianik toqqaasimanermut aamma illersuutitut atortussanik toqqaasima-nermut tunngatillugu.
- 7) Naatsorsuinerit aamma nalilersuinerit tassa isumannaatsuutitsinissamut piumasaqaatinik eqqortitsi-simanermut tunngavigineqartussat tunngasut.
- 8) Innaallagissap aqqutaasa ikkussuuneqarsimasut titartagartai aamma skemat tamakkiisumik takussu-

tissaasut.

9) Paatsoorneqarsinnaangitsumik ilisarineqarsinnaangorlugu uppersaasersuut innaallagissap aqqu-taasa ikkussuunneqarsimasup ilaata sorliup suliarineqarsimaneranut tunngatillugu.

*Imm. 3.* Nalunaaruteqarneq imm. 1-2-mut tunngasoq suliarineqassaaq suliap suliarineqarnerata kingor-natigut kingusinnerpaamik ullut 14-it qaangiutsinnagit.

## **Kapitali 9**

### *Pineqaatissiissutit*

**§ 85.** Ukuninnga §§ 6 – 74 unioqqutitsineq, akuersissut § 75 naapertorlugu amigaataappat, §§ 76-83 uni-oqqutitsineq, saneqqutsinerit pillugit nalunaaruteqanngitsoorneq, tak. § 84, imm. 1, paasissutissanik eq-qunngitsunik nalunaaruteqarneq, tak. § 84, imm. 2, kiisalu § 84, imm. 3-mik unioqqutitsineq, tamakku pil-laammik akiliisinneqarnermik kinguneqarsinnaapput.

*Imm. 2.* Inuit inatsisitigut pisinnaatitaasut pisussaatitaasullu pillaammik akiligassamik akiliisussanngortin-neqarsinnaapput Kalaallit Nunaanni pinerluttulerinermi Inatsit naapertorlugu.

*Imm. 3.* Pillaammik akiliisitsinerit nalunaarut manna naapertorlugu Nunatta Karsianut nakkartinneqas-sapput.

## **Kapitali 10**

### *Atuutilersitsineq aamma ikaarsaariarnermi aalajangersakkat*

**§ 86.** Nalunaarut atuutilerpoq ulloq, 1. januaari 2020.

**§ 87.** Atortut innaallagiartortut Kalaallit Nunaanni innaallagialaq sakkortooq pillugu nalunaarut naapertor-lugu suliarineqarsinnaapput ulloq 31. decembari 2020 tikillugu aamma ilanngullugu.

*Imm. 2.* Atortut innaallagiartortut 31. decembari 2020 sioqqullugu suliarineqarnissaat piareersarneqa-reersimasoq imaluunniit aallartinneqarsimasut Kalaallit Nunaanni innaallagialaq sakkortooq pillugu nalu-naarut naapertorlugu suliarineqarsinnaapput imaluunniit maleruaqqusat taakkua naapertorlugit naam-massineqarsinnaallutik ulloq 30. juuni 2021 tikillugu aamma ilanngullugu.

*Imm. 3.* Innaallagissiornermut Oqartussat immikkut ittumik pisoqartillugu atortut innaallagiartortut naammassineqarnissaat pillugit immikkut akuersissuteqarsinnaapput 30. juuni 2021 kingornatigut. Immik-kut akuerineqarnissamut qinnuteqaat Innaallagissiornermut Oqartussat ulloq taanna nallertinnagu tigo-reersimassavaat.

*Innaallagissiornermut Oqartussat, ulloq 12. december 2019*

Michael Petersen

Jane Lynge Hansen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut